

Interreg 2014-2020

Prográmmačállit ovddidedje vuosttaš prográmmaevttohusa ovddasvástideaddji departemeanttaide skábmamánu 26 b. 2013 ja ožžo vástádusaid ođđajagimánus. Ođastuvvon prográmmaevttohus ovddiduvvui guovvamánu 28 b. 2014, ja dan galgá Suoma, Ruota ja Norgga ráđdehus meannudit ja dohkkehit ovdalگو sáhtá sáddejuvvot EU-kommišuvdnii. Vuordimis mearrida EU-kommišuvdna dohkkehit prográmma áramusat 2014 čavčča. Go EU-kommišuvdna lea dohkkehan prográmma, de sáhtá vuosttaš ohcanvuorru rahppot áramusat skábmamánu- juovlamánu 2014.



Prográmmii lea oktiibuot juolluduvvon su 42 MEUR Eurohpá regionála ovdánahttinfoanddas, mii lea su 8 MEUR eambbo go 2007 – 2013 prográmmaáigodagas. Dasa lassin ruhtadeaba Suopma ja Ruotta našuvnnalaš oasi su 25 MEUR. Norgga oassálastima várás lea ollislaš budjeahhta (IR-ruđat ja našuvnnalaš ruđat) su 17 MEUR. Dat mearkkaša ahte ollislaš prográmmabudjeahhta lea su 85 MEUR.

Davvi ja Sámi oasseprográmmaid prográmmaevttohusas leat njeallje áŋgiruššansuorggi maid regiovnat dáhttot deattuhit;

1. Dutkan ja innovašuvdna
2. Entreprenvradoaibma
3. Kultuvra ja biras
4. Oktasaš bargomárkan

EU-parlameanta lea juovlamánu 17 b. 2013 mearridan daid EU-njuolggadusaid mat galget stivret prográmma, ja daid gávnnat dáppe:

http://ec.europa.eu/regional_policy/information/legislation/index_en.cfm

Earret dáid vuoddonjuolggadusaid de mearriduvvojit giđa mielde dárkilet njuolggadusat **omd.** rádjerasttildeaddji proševttaide main lea riekti oazžut doarjaga goluide.

Lágideamit mat gusket boahhte prográmmaáigodahkii:

<http://www.northsweden.eu/regionalpolitik/nyheter/ns-eu-forum.aspx>



Njukčamánu
2014

InterregNews

2007-2013 prográmma loahpaheapmi!

2007-2013 prográmmaáigodat lea fargga nohkan ja lea áigi plánegoahtit buriid prošeaktaloahpahemiid. Lea deatalaš muitit ja ráhkkanit čuovvovaš dáhtoniidda:

Geassemánu 30 b. 2014

Prošeavttaid mañemus prošeaktaáigodatbeaivi.

Suoidnemánu 31 b. 2014

Mañemus beaivi buktit loahppačilgehusa našuvnnalaš dárkkisteaddjái. Váldde oktavuoda hálddašaneiseválddiin jus dárbbášat mañidit áigemeari buktit loahppačilgehusa, omd. jus luomuid geažil šaddá váttis geargat dán dáhtonii.

Golgotmánu 31 b. 2014

Mañemus beaivi buktit loahppamávssu ohcamuša. Sáhtát hálddašaneiseválddis gáibidit mañidit loahppamávssu ohcamuša jus našuvnnalaš dárkkisteddjiid loahppaduodaštus ii leat válmmas.

Muhtun rávvagat:

- Ráhkkan loahpahit prošeavtta buori áiggis ovdal áigemeari.
- Čálligoađe loahpparaportta buori áiggis ovdal áigemeari. Smiehtat mii lea mannan bures ja mii ii doaibman nu go ledjet jurddašan. Prošeavtta váldodoaimmat sáhttet bistit miessemánu 31 b. 2014 rádjái, prošeaktaáigodaga mañemus mánnu lea jurddašuvvon loahpahandoaimmaid várás dego loahpparaportta čállimii.
- Ane muittus ahte visot golut galget leat mákson mañemusat geassemánu 30 b. 2014 jus daid ovddas galgá oažžut doarjaga,.
- Sihkkarastte ahte originálaverifikašuvnnaid sáhttá vurkkodit borgemánu 31 b. 2020 rádjái. (FUOM! Suomabeale doarjjaoažžut fertejit vurkkodit juovlamánu 31 b. 2025 rádjái!)
- Sihkkarastte ahte prošeavtta diehtujuohkin- ja almmuhangáibáduusat leat devdojuvvon.
- Váldde oktavuoda čállingotti áššegiedahalliin jus dus leat jearaldagat prošeaktaloahpaheami ektui.

Ođđasat bargoveaga birra

Sámi prošeavttaid áššegiedahalli lea Helen Bergkvist Ruota Sámedikkis. Ella-Britt Utsi Jannok lea mannan ealáhakkii jahkemolsašumi rájes. Mii giitit Ella-Britt su buori barggu ovddas Interregas, ja sávvat suinna lihku ođđa árgabeaidiliin.

Åsa Gåverud lea virgáduvvon Leanastivrra sadjásaš Našuvnnalaš dárkkisteaddjin.

www.interregnord.com